


# Lingua Graeca antiqua

**Lingua Graeca antiqua** est linguae Graecae status, qui fere ab 800 a.C.n. usque ad Medium Aevum duravit. Re vera lingua Graeca antiqua est variorum sermonum sive dialectorum copia. Quarum dialectorum investigandarum potissimi fontes sunt inscriptiones, nonnulli auctores litterarii grammaticorumque glossae. Antiquissima Graecae linguae documenta sunt tabulae scriptura quae lineari B dicitur, exeunte secundo millennio exaratae. Lingua harum tabularum Mycenica (interdum etiam Achaica) appellatur. Aetate geometrica, saeculo fere octavo a.C.n., cum fines linguae Graecae latius cum colonis panderentur, fines dialectorum Graecarum etiam stabiliri coeperunt.

Cum de lingua Graeca loquimur, duas praecipue res significamus:

1. Ramulum stemmatis linguarum Indoeuropaeearum, subfamiliam Hellenicam vel Graecam, quae re vera ex multis linguis similitudine familiari inter se cohaerentibus constat.
2. Dialectum Atticam Athenis adhibitam, nempe sermonem Aeschyli Sophoclis Euripidis tragoedorum, Aristophanis comoedi, Lysiae Isocratis Demosthenis rhetorum, Xenophontis rerum gestarum scriptoris, denique Platonis Aristotelis philosophorum. Atticum sermonem ferme instar linguae Graecae antiquae esse ex eo constat quod grammaticae ad linguam Graecam antiquam docendam conscriptae illo ipso sermone nituntur.

Lingua Graeca antiqua Ἑλληνική γλῶσσα	
Taxinomia:	e linguarum Indoeuropaeearum divisione sibi consistenti quam nonnulli Hellenicam appellant
Status:	status antiquus linguae Graecae
Sigla:	<u>1</u> —, <u>2</u> grc, <u>3</u> gko
Usus	
Aevum:	a saeculo VIII a.C.n. cognita
Situs:	Graecia cum coloniis; etiam per regna <u>Diadochorum</u> <u>imperiumque Romanum</u> (praecipue <u>orientale</u> ) adhibita temporibus nostris a multis eruditis cognita
Litterae:	<u>Litterae Graecae</u>
Scriptura:	<u>Graeca</u>
	
Familiae linguarum coloribus distinctae	

Quod ad antiquissimam Graecam attinet, videas res ad linguam Mycenaeam et ad Proto-Graecam pertinentes.

Quod ad aetatem Hellenisticam attinet, videas rem ad linguam communem sive Κοινήν pertinentem.

## Index

### Dialecti

- Ionico-Attica
- Aeolica
- Dorica
- Arcado-Cypria

### De grammatica

Alphabetum
Exemplum
De phonologia observationes
Morphologia nominum
Numeri
Genera
Casus
Articuli
Morphologia verborum
Genera
Modi
Tempora (et Aspectus)
Personae

Notae

Nexus externi

## Dialecti

Spatium dialectorum Graecarum solet in quattuor classes maiores dividi.<sup>[1]</sup>

### Ionico-Attica

Nomen Ionico-Atticae vulgo usu receptum est, quia constat Atticam linguam prae omnibus aliis propinquam fuisse Ionicae. At antequam in maximam linguam litterariam crevit sermo Atticus, unius tantum urbis erat usus loquendi. Itaque pro Ionico-Attica lingua reapse praestat Atticam describi dialectum Ionicam continentalem. Ipsa Ionica dialectus est orientalis complectens oram Asiaticam ab Clazomenis fere ad Miletum, archipelagum Euboeamque insulam.

### Aeolica

Aeolica sermones complectebatur praecipue Lesbiorum incolarumque orae Asiaticae a Smyrna septentriones versus usque ad Hellespontum. Sappho et Alcaeus, poetae Lesbii, Aeolice scripserunt magnamque habuerunt vim ad lyricam Graecam excolendam. Aeolica etiam apud Thessalos et Boeotos in usu habebatur, quamquam occidentalibus linguis vicinis mixta.

### Dorica

Unam legis e paginis de  
**lingua Graeca**  
disserentibus



Proto-Graeca (ca. 2000 a.C.n.)

Mycenaea (1600–1100 a.C.n.)

Graeca antiqua (800–300 a.C.n.)

*Dialecti:* Aeolica, Arcado-Cypria,  
Attica, Dorica, Ionica

Koine (300 a.C.n.–600 p.C.n.)

Graeca Media (600–1500)

Neograeca (ab anno 1500)

Demotica, Catharevusa  
*Dialecti:* Graeco-Calabra, Ievanica,  
Cappadociana, Pontica, Tsaconica,  
Cypria

Vide etiam  
Alphabetum Graecum

De finibus et historia Doricae ambigitur. Arcadia excepta, Dorica in Peloponneso vigeat, unde per Cretam Theram Rhodum Coum usque ad meridiem oram Asiae pertinebat; etiam in Sicilia et in Italiae parte meridionali Dorica vigeat. Dubium est, utrum etiam regiones Graeciae Caurinae fuerint Doricae, an ex propria dialectorum copia constiterit Graeca Caurina. Quod ad historiam attinet, secundum sententiam paene canonicam, Dores ab regionibus septentrionalibus in Balcanicam paeninsulam immigraverunt Peloponneso potiti. Sunt etiam qui Dores postea venisse negent.

## Arcado-Cypria

Sermo Cyprius erat clara propinquitate Arcadico sermoni coniunctus, qui in media Peloponneso vigeat.

## De grammatica

Lingua Graeca, modo omnium veterum linguarum Indoeuropaeorum, maxime inflectitur. Maxime archaica est ob conservationem formarum Protoindoeuropaeorum.

## Alphabetum

Vide Abecedarium Graecum.

## Exemplum

Platonis Apologia Socratis his verbis incipit:

Ὅτι μὲν ὑμεῖς, ὦ ἄνδρες Ἀθηναῖοι, πεπόνθατε ὑπὸ τῶν ἐμῶν κατηγορῶν, οὐκ οἶδα· ἐγὼ δ' οὖν καὶ αὐτὸς ὑπ' αὐτῶν ὀλίγου ἑμαυτοῦ ἐπελαθόμην, οὕτω πιθανῶς ἔλεγον.

Alphabeto Latino:

Hóti mèn humeîs, ô ándres Athēnaîoi,  
perónthate hupò tôn emôn katēgórōn, ouk oída: egò d' oûn kaì autòs hup' autôn olígu  
emautoû epelathómēn, hoútō pithanōs élegon.

Latine:

Quomodo vos, viri Athenienses, ab accusatoribus meis commoti sitis, nescio. Equidem ipse eorum opera paene sum mei oblitus, tam enim persuasibiliter locuti sunt.

## De phonologia observationes

Tres series mutarum sunt: surda (π τ κ), aspirata (φ θ χ), et mediae (β δ γ).




Dialecti Graecae anno fere 400 a.C.n.

## ΟΔΥΣΣΕΙΑ

Ἄνδρα μοι ἔννεπε, Μοῦσα, πολύτροπον, ὃς μάλα πολλὰ  
πλάγχθη, ἐπεὶ Τροίης ἱερὸν πτολίεθρον ἔπερσε·  
πολλῶν δ' ἀνθρώπων ἴδεν ἄστεα καὶ νόσον ἔγνω,  
πολλὰ δ' ὃ γ' ἐν πόντῳ πάθεν ἄλγεα ὃν κατὰ θυμόν,  
ἀρνύμενος ἥν τε ψυχὴν καὶ νόστον ἐταίρων.  
ἀλλ' οὐδ' ὣς ἐτάρους ἐρρύσατο, ἰέμενός περ·  
αὐτῶν γάρ σφετέρῃσιν ἀτασθαλίῃσιν ὄλοντο,  
νήπιοι, οἳ κατὰ βοῦς Ὑπερίονος Ἥελίοιο  
ἦσθιον· αὐτὰρ ὁ τοῖσιν ἀφείλετο νόστιμον ἦμαρ.

Principium Odysseae Homeri.

## Morphologia nominum

 Si plus cognoscere vis, vide Declinatio prima linguae graecae antiquae, Declinatio secunda linguae graecae antiquae, et Declinatio tertia linguae graecae antiquae

Nomina sunt substantiva, adiectiva et pronomina, quae omnia numero, genere et casu declinantur.

### Numeri

Lingua Graeca antiqua duo habet numeros grammaticos:

- Singularis: ὁ λύκος 'lupus'
- Pluralis: οἱ λύκοι 'lupi'

Tertius insuper numerus est

- Dualis: τὼ λύκω 'duo lupi'. Qui quidem numerus vim suam ab Protoindoeuropaea traditam paene omnino amiserat, quamquam interdum in usu habetur. Apud Homerum aliquantum plus valet.

### Genera

In plurimis linguis Indoeuropaeis, nomina in genera grammatica dividuntur. Lingua Graeca tria habet genera:

- Masculinum
- Femininum
- Neutrum.

### Casus

Ex octo casibus Protoindoeuropaeis lingua Graeca quinque conservavit casus:

- Nominativum
- Genitivum
- Dativum
- Accusativum
- Vocativum

### Articuli

Nomina Graeca definitos semper articulos habent, quae desunt linguae Latinae. Indefinitos si articulos adhibere velimus, nobis articuli deficiendi sunt.

	Masculinum			Femininum			Neutrum		
	Sing.	Dual.	Plur.	Sing.	Dual.	Plur.	Sing.	Dual.	Plur.
<b>Nominativus</b>	ὁ	τὼ	οἱ	ἡ	ταὶ	αἱ	τό	τῶ	τά
<b>Genitivus</b>	τοῦ	τοῖν	τῶν	τῆς	τοῖν	τῶν	τοῦ	τοῖν	τῶν

Dativus	τῷ	τοῖν	τοῖς	τῇ	τοῖν	ταῖς	τῷ	τοῖν	τοῖς
Accusativus	τόν	τώ	τούς	τήν	τώ	τάς	τό	τώ	τά
Vocativus	ῶ	ῶ	ῶ	ῶ	ῶ	ῶ	ῶ	ῶ	ῶ

## Morphologia verborum

Verba Graeca genere, modo, tempore, persona, numero conjugantur.

### Genera

Verbis Graecis sunt tria genera:

- Activum
- Medium
- Passivum

### Modi

- Indicativus
- Coniunctivus
- Optativus
- Imperativus

### Tempora (et Aspectus)

Verba conjugantur aspectibus tribus; formae imperfectivae includunt praesentem, futurum, et imperfectum; formae perfectivae, restrictae ad aoristum, qui in indicativo, et perfecto perfectum atque plusquamperfectum includunt. Omnes aspectus omnes modos habent, coniunctivo et imperativo futuro absentibus.

### Personae

- Persona prima
- Persona secunda
- Persona tertia

## Notae

1. "Dialecti Attica, Ionica, Dorica, Aeolica": Conradus Gesnerus, *Mithridates: de differentiis linguarum* (1555) textus (<http://gallica.bnf.fr/ark:/12148/bpt6k938671>) f. 2r.

## Nexus externi

- DiA. Morphologia Graeca (<http://dia.phpnet.us>)
- Index dictionum in lingua Graeca antiqua — Victionarium



Experimentum est pro Wikipedia in  
***Lingua Graeca antiqua*** apud  
 Wikimedia Incubator

- Ethnologue: Commentarium de lingua Graeca Antiqua ([http://www.ethnologue.org/show\\_language.asp?code=GKO](http://www.ethnologue.org/show_language.asp?code=GKO)) (Anglice)
- Erasmi Roterodamensis *De recta latini graecique sermonis pronuntiatione dialogus* (<http://big.hez.com/asklepios/erasmus/pronuntiatione.htm>)
- 100 lectiones Linguae Graecae Antiquae (<http://www.gottwein.de/grueb/gr000.htm>) (Germanice)
- Itinera electronica (<http://hodoi.fltr.ucl.ac.be/concordances/intro.htm>) (Graece, Francogallice)

---

Receptum de "[https://la.wikipedia.org/w/index.php?title=Lingua\\_Graeca\\_antiqua&oldid=3406120](https://la.wikipedia.org/w/index.php?title=Lingua_Graeca_antiqua&oldid=3406120)"

---

**Novissima mutatio die 11 Aprilis 2019 hora 20:44 facta.**

Nonobstantibus ceteris condicionibus hunc textum tractare licet secundum "[Creative Commons Attribution-ShareAlike License](#)". Vide [modos et condiciones](#).